

Memoria xustificativa da segunda addenda ao convenio de colaboración entre a entidade pública empresarial Augas de Galicia e o Concello de Valga para reducir o risco de inundación na ARPSI dos ríos Ulla e Sar, cofinanciada pola Unión Europea a través do Fondo Europeo de Desenvolvemento Rexional (FEDER) nun 80% do gasto elixible no marco do Programa Operativo FEDER Galicia 2014-2020 e nun 60% do gasto elixible no marco do Programa Galicia FEDER 2021-2027

1. Antecedentes

O 6.9.2021 formalizouse o convenio de colaboración entre a entidade pública empresarial Augas de Galicia e o Concello de Valga para reducir o risco de inundación na ARPSI dos ríos Ulla e Sar, cofinanciada pola Unión Europea a través do Fondo Europeo de Desenvolvemento Rexional (FEDER) nun 80%, no marco do Programa Operativo FEDER Galicia 2014-2020.

O 20.12.2023 subscribiuse a primeira addenda ao convenio de colaboración para ampliar o prazo de vixencia do convenio, reaxustar as anualidades ao ritmo previsto de execución das actuacións, incluír no título e no convenio a referencia ao Programa Galicia FEDER 2021-2027 e a normativa que o regula, así como a cláusula relativa ao principio de non causar dano significativo.

Para acomodar as anualidades do convenio ao ritmo de execución das obras, a Dirección de Augas de Galicia acordou reaxustar as anualidades en data 25.4.2024, 9.7.2024 e 2.4.2025.

As anualidades do convenio tralo último reaxuste do convenio acordado o 02.04.2025 quedaron como seguen:

Anualidade	Importe
2021	35.034,39 €
2022	25.994,56 €
2023	243.124,99 €
2024	430.459,88 €
2025	515.386,18 €
Total	1.250.000,00 €

2. Causas que motivan a formalización dunha addenda ao convenio

O convenio colaboración formalizado entre Augas de Galicia e o Concello de Valga ten como obxecto acometer as seguintes actuacións que se consideraron prioritarias para minimizar o risco asociado as Áreas con Risco Potencial Significativo de Inundación (ARPSI) dos ríos Ulla e Sar:



- Mellora do espazo fluvial do río Louro entre a estrada PO548 e a liña de ferrocarril. Valga (Pontevedra).
- Mellora do espazo fluvial do río Valga entre a liña do ferrocarril e a Rúa Devesa. Valga (Pontevedra).
- Protección da marxe dereita do río Valga ao seu paso por Valga. Valga (Pontevedra).

No ámbito deste convenio licitáronse os seguintes contratos en relación coas referidas actuacións:

a) Protección da marxe dereita do río Valga ao seu paso por Valga. Valga (Pontevedra)

- O contrato "Protección da marxe dereita do río Valga ao seu paso por Valga. Valga (Pontevedra)", clave OH.436.1217, formalizouse o 25.05.2023, por un importe de 228.718,05 €, e un prazo de execución de 3 meses.

O importe da redacción do proxecto da referida obra ascendeu á cantidade de 17.756,75 €.

Esta obra está rematada e recepcionouse o 04.02.2025.

- O Servizo de asistencia técnica á dirección facultativa da obra de OH.436.1217 Protección da marxe dereita do río Valga ao seu paso por Valga. Valga (Pontevedra)" clave GA.22116, adxudicouse o 02.05.2023 por un importe de 11.482,90€.

- O Servizo para o desenvolvemento de actividades preventivas e accións de coordinación empresarial no marco da actuación denominada "OH.436.1217 Protección da marxe dereita do río Valga ao seu paso por Valga. Valga (Pontevedra)", clave GA.22117, adxudicouse o 02.05.2023, por importe de 5.470,41€.

- No marco do proxecto OH.436.1217, foi necesario executar unha obra complementaria de clave M24057 para a rehabilitación dunha piscina fluvial situadas augas abaixo da zona de actuación. A execución desta actuación ascendeu á cantidade de 44.697,81 €.

O Servizo para o desenvolvemento de actividades preventivas e acción de coordinación empresarial no marco do actuación referida executouse ata acadar un importe de 3.175,40 €.

A suma dos importes referidos ascende a 311.301, 32 €.

b) Mellora do espazo fluvial do río Louro entre a estrada PO548 e a liña do ferrocarril. Valga (Pontevedra)

- O contrato "Mellora do espazo fluvial do río Louro entre a estrada PO548 e a liña do ferrocarril. Valga (Pontevedra)", clave OH.436.1218, formalizouse 17.08.2023, por un importe de 330.431,02 €. O investimento total, engadindo a medición final de 33.042,98 €, ascendeu a 363.474,00€.



O importe da redacción do proxecto da referida obra ascendeu á cantidade de 17.997,54 €

A obra está rematada e recepcionouse o 12.11.2024.

- O contrato do Servizo de asistencia técnica á dirección facultativa da obra denominada "OH.436.1218 - Mellora do espazo fluvial do río Louro entre a estrada PO548 e a liña do ferrocarril. Valga (Pontevedra)" clave GA.22118, adxudicado o 03.07.2023 por un importe de 12.705,00 €.

- O contrato Servizo para o desenvolvemento de actividades preventivas e accións de coordinación empresarial no marco da actuación denominada "OH.436.1218 - Mellora do espazo fluvial do río Louro entre a estrada PO548 e a liña do ferrocarril. Valga (Pontevedra)" clave GA.22119, adxudicouse o 03.07.2025 por importe de 4.987,62 €.

A suma dos importes referidos ascende a 399.164,16 €.

c) Mellora do espazo fluvial do río Valga entre a liña do ferrocarril e a rúa Devesa. Valga (Pontevedra)

- O contrato de servizo de redacción do proxecto constructivo: OH.436.1219 Mellora do espazo fluvial do río Valga entre a liña do FF.CC. e a rúa Devesa. Valga (Pontevedra) adxudicouse por importe de 47.553,00 €.

O proxecto para a mellora do espazo fluvial do ría Valga entre a liña do FCC e a rúa Devesa está en fase de supervisión e unha vez aprobado procederase á licitación da obra.

As obras consisten na mellora do entorno fluvial e inclúen a demolición da ponte actual y a súa reconstrución. A inversión prevista no proxecto en tramitación ascende a 1.101.354,46 €.

Así mesmo, durante a redacción do proxecto con clave OH.436.1219, detectáronse unha serie de necesidades adicionais que fixeron necesaria a redacción dun novo proxecto denominado "Mellora hidráulica dos ríos Valga e Soutiño, na área de risco potencial significativo de inundación (ARPSI) río Ulla e río Sar – ES 14- CP-05-02-11 mediante actuacións na canle dos ríos para mellorar o seu comportamento hidráulico. Valga (Pontevedra)" clave OH.436.1317.

O proxecto para a redacción do proxecto para a Mellora hidráulica dos ríos Valga e Soutiño, na área de risco potencial significativo de inundación (ARPSI) do río Ulla e río Sar, clave M24088, formalizouse por un importe de 17.968,50 €.

A inversión estimada para a realización destas actuacións ascende a 800.000,00 €.



A necesidade de realizar estas actuacións para a mellora hidráulica dos ríos Valga e Soutiño así como a conexión coas actuacións xa contempladas no convenio fai preciso que tanto a redacción deste proxecto como as obras que se van acometer se incorporen ao ámbito do convenio de colaboración para reducir o risco de inundación na ARPSI dos ríos Ulla e Sar.

Por último indicar que aos importes estimados para a realización das actuacións previstas nos proxectos con clave OH.436.1219 (Mellora do espazo fluvial do río Valga entre a liña do ferrocarril e a rúa Devesa) e OH.436.1317 (Mellora hidráulica dos ríos Valga e Soutiño, na área de risco potencial significativo de inundación (ARPSI) río Ulla e río Sar), deben engadirse os importes previstos para os contratos de dirección de obra, para o desenvolvemento de actividades preventivas e a retención de crédito para facer fronte aos gastos de certificación final da obras e que se estiman en 280.000,00 €.

Polo tanto, tendo en conta que a suma dos importes das actuacións xa executadas e os proxectos formalizados (775.986,98 €) e o importe estimado das actuacións pendentes de licitar (2.181.354,46 €) ascende a 2.957.341,44 €, é necesario aumentar o importe establecido para o convenio (1.250.000,00 €) na cantidade de 1.707.341,44€.

Ademais do anterior, debe terse en conta que a vixencia actual do convenio non resulta suficiente para acometer todas as actuacións nel previstas pois para a execución destas deben terse en conta os prazos necesarios para a tramitación dos procedementos de contratación, para a execución das obras e para a realización dos trámites relacionados coa entrega e recepción das obras por parte do concello. Por estes motivos, ampliase o prazo de vixencia do convenio ata o 06.09.2029.

3. Obxectivos que se pretenden e estimación de custos e financiamento

Esta addenda ten como obxecto:

- Modificar a cláusula primeira do convenio de colaboración, co fin de ampliar o obxecto do convenio e incorporar entre as actuacións previstas para reducir o risco de inundación na ARPSI dos ríos Ulla e Sar, a actuación denominada "Mellora hidráulica dos ríos Valga e Soutiño, na área de risco potencial significativo de inundación (ARPSI) río Ulla e río Sar".
- Modificar a cláusula terceira do convenio debido á necesidade de aumentar a cantidade prevista para financiar o custo total das actuacións (1.250.000,00 €) na cantidade de 1.707.341,44€, e en consecuencia, reaxustar as anualidades do convenio ao ritmo previsto de execución das actuacións, que quedan coa seguinte distribución:

<i>Anualidade</i>	<i>Importe</i>
2021	35.034,39 €
2022	25.994,56 €



2023	243.124,99 €
2024	430.459,88 €
2025	41.373,16 €
2026	200.000,00 €
2027	1.500.000,00 €
2028	481.354,46 €
Total	2.957.341,44 €

- Modificar a cláusula sétima do convenio co fin de aumentar o prazo de vixencia do convenio ata o 06.09.2029, en previsión do tempo estimado para a finalización das actuacións obxecto do convenio.

Consonte ao disposto no artigo 48.3 da Lei 40/2015, de 1 de outubro, de réxime xurídico do sector público a addenda ao convenio contribúe a mellorar a eficiencia da xestión pública, a facilitar a utilización conxunta de medios e servizos públicos e á realización de actividades de utilidade pública.

En Santiago de Compostela, na data da sinatura dixital
O director de Augas de Galicia
Roi Fernández Añón

